

科舉節目







御製科弊釐正綸音

科場之弊其間熟矣而予則曰此非青衿之過為父兄不能教子弟讀書古人豈不云乎有子不教父之過奚專歸過於子弟而為子弟者其若讀書豈歸父兄於不教之科予則曰此則父兄子弟俱有過矣躁競之弊頃已詳諭此亦非在下之過既引導以躁競下焉不倍之乎噫莫云科弊試官一公取士父兄禁子弟以不正亦焉有此弊或請面試或曰大比之外切勿取士云而所謂面試陶穀之



子張奭之外予所罕聞白首暮年豈忍行齷齪之事而此非端本也或國有慶應行謁聖豈不取士乎予則曰此亦難行也故頃日筵中略略定制諸臣未過閣外忽然而思非徒景像之不佳此開偉門之一道心無二用而令多士一場之中思製述之文誦應講之經此二用以導之也特命勿布者蓋此也其何新規此後明經科及謁

聖觀武才儒生對舉外增廣初試後除臨講三經中自願一書除釋背講取粗以上重試對



舉庭試亦依此例此外雖慶科稠疊每於其  
年季秋合設庭試必也初試後講經而九月  
之後雖有邦慶切勿再設翌年九月設行亦  
依定規謁

聖則觀國之光取士無過五人觀武才儒生庭  
試重試對舉庭試俱無過三人此端本也雖  
然其雖端本用人不綜核偉門何可杜躁風  
何可止乎此後每榜抽姓親試其才應為芸  
閣分館者外雖當付槐院者不能者當付國  
子當付國子者當付芸閣若此其本自可端



其躁自可止噫今者下教救末世之弊名雖  
嚴意則寬而導青丘章甫於正本忠厚之意  
莫曰暮年一教其欲更張者宰輔臺閣之官  
張目嚴斥使今定式永久遵行場中淆雜亦  
由乎三字之題今後則書題取稟特除歲銘  
頌此意一體定式

歲己卯九月十八日

御製小科勸講綸音

噫大科既而釐正小科其何泯嘿况大科若  
大學小科若小學紫陽朱夫子小學書題豈



不云乎教人以灑掃應對進退之節愛親敬  
長隆師親友之道皆所以為齊家治國平天  
下之本以此觀之修齊治平之本即灑掃應  
對也勸讀小學之教會已多諭頃日亦諭而  
其效漠然因此時不為勸講更待何時此後  
凡於小科初試後除照訖禮講試講初試諸  
生而以小學除釋背誦取粗以上一依大科  
自願三經例噫以士夫之子不讀小學其何  
以事親事君儒衣儒巾不讀一經抑何心志  
于清顯今者大小科綸音莫曰言毫意實端



本雖然法久則弛人皆能遵守其法古之金  
科玉條豈若是解弛乎予之懼者一則日後  
或有沮戲者而此則前諭既云為宰輔臺閣  
之臣者若不張目嚴斥非徒素職此負法令  
也其豈有哉而其次一則講規解弛一則背  
誦為臨講設法之初不可不嚴立科條其令  
宗伯之臣就議大臣成節目啓下大科中直  
陞六者於分館其無干涉此輩親試時其若  
不能勿舉清選事節目中亦為添補焉

歲己卯九月二十日



噫今番大小科綸音為世道之一助也莫曰  
謁

聖春塘臺對舉無講毛詩鹿鳴章亦流通情意  
之義今講夙夜箴讀書之暇間以游泳云者  
意亦在焉今予之意即此義也今番兩次綸  
音之後小學三經雖懶儒必讀謁

聖春塘臺對舉應試之人其亦讀書之人其於  
一二件事於節目有所不可不下教者節製  
八格之人其若追講於殿試之前此無異於  
庭試日已直赴者講經此路不飭偉門易開



前則節制居首不過會試而中間為殿試此亦慰諸生之

聖意也今難遽為會試而因此亦豈無規正之道乎此後節制入格居首者勿設試官予當召試其專經之講能誦者仍前直赴殿試不通者依舊例直赴會試若不親試當依例下教而圓點儒生五十點雖非舊規而準點之後亦豈無慰悅之道若循近例豈飭讀書之意乎此後圓點儒生試取時先為殿講一經取粗以上製述賜第而至於到記儒生古則



有講無製而嗣服之後見生進儒生之自不  
者多講經製述分而試取故昔之二三人講  
經直赴者今為一人非徒有違於古例此開  
不讀書之門既勸讀書分而試取亦非端本  
之意也此後到記儒生殿講乃復舊例而講  
經儒生試取亦復舊例無過二人純通者若  
居多比較以製述為之則此亦明經科製述  
初試之意也以此添入節目

歲己卯九月二十一日

傳曰今審大小科給音節目令禮曹活印一件



內入一件置政府一件置禮曹一件置國子  
五件分藏史庫而十一件頒布于八道三都  
今日下教一體添入於節目中



大小科釐正節目

一今此大小科釐正節目一依 綸音條列成  
出為白乎矣 綸音中所無者段 筵中稟  
旨講定作為一統磨鍊為白齊

一謁

聖及觀武才對舉儒生 庭試即日唱榜者外

增廣及重試對舉 庭試與慶科 庭試段

初試出榜後分兩所差出試官各五人

正卿  
亞卿

堂上各一人  
堂下二人

入格舉子三經中自願一經除

釋背講取粗以上而講規一如明經例為白



乎矣講章註限以五六字書之篇題止于今  
文古文詩則只六義大旨易則只卦體序卦  
為白乎旃典禮講段革罷為白齊

一謁

聖取士無過五人觀武才對舉庭試重試對

舉庭試並無過三人事依

聖教永為定式為白齊

一大科初試考講後抽姓

親試既有成命講畢後令政院臨時稟旨

舉行而試官段安徐為白齊



一文科覆試榜出後入格人中抽柱

親臨召試令政院臨時稟旨舉行其不能者

應選槐院人降付國子應選國子入降付芸閣為白齊

一大科中直出六品不係於分館之人

親臨召試時若不能則勿為舉論於清選為白齊

一親臨召試時若不通則舉子及試官並用科場用情律臺監一體勘律為白乎矣抽柱之章



若非場中所誦之章則只勘律舉子為白齊  
一書題取 稟時箴銘頌段依  
聖教永減勿為書 入為白齊  
一凡諸

親試日子則臨時令政院 稟旨分付禮曹舉  
行為白齊

一節製入格居首人勿差試官

親臨台試三經中自願一經除釋背誦一依初  
試講經例能誦者直赴 殿試不通者直赴  
會試為白乎矣若或不行



親試則依 綸音以待下教為白齊

一圓點儒生等 殿講時先講一經除釋背誦

取粗以上更以製述試取入格居首人 賜

第為白乎矣試官等事依例舉行為白齊

一到記儒生 殿講時試取無過二人為白乎

矣純通者若多則更以製述比較為白齊

一圓點儒生講經後製述時及到記儒生 殿

講後比較製述時試券並令易書為白齊

一節製居首人試講自庚辰年三日製為始舉

行為白齊



一生進初試入格人考講時分兩所差出試官

各三人

堂上一人堂下二人

亦令臺監進參以嚴科場

為白乎矣如有滑稽之弊而現發則舉子及

試官臺監一依大科講經例勅律為白齊

一生進初試入格人等

京中陞學方公節會並同

除學禮

照訖講依大科講經例小學中抽柱大文除

釋除註背講取粗以上許赴覆試為白乎矣

若逢單章則誦註而無過一行為白乎矣講

規段沒誦講章所係全章為白齊

一生進初試京外以講入格之類亦令一體應



講於京中初試考講時為白齋

一大小科外方初試入格人等分付該道及京  
試官使之榜出後趁講期上送俾無未及於  
應講之患為白齋

一生進初試入格人等考講時應辦一依大科  
應辦例舉行為白齋

一今此講經初試無應辦前例者依

聖教勿煩貢人令惠廳給價主掌所使之舉行  
為白齋

一凡慶科 庭試依





聖教一年季秋設行為白乎矣若或臨時有慶  
科則退行一二朔而一年勿為再設為白齊







